

香

子

柱下學子校

德篇

上德不德是以有德下德不失德是以無德上德無爲而無以爲也上仁爲之而無以爲也上義爲之而有以爲也上禮爲之而莫之應也則攘臂而仍之故失道而後德失德而後仁失仁而後義失義而後禮夫禮者忠信之薄也而亂之首也前識者道之華也而愚之首也是以大丈夫居其厚不居其薄居其實而不居其華故去彼而取此

老子

德篇

一

柱下學子

昔得一者天得一以清地得一以寧神得一以靈谷得一以盈侯王得一以爲天下正其至也謂天母已清將恐裂地母已寧將恐發神母已靈將恐歇谷母已盈將恐竭侯王母已貴以高將恐蹶故必貴以賤爲本必高矣而以下爲基夫是以侯王自謂孤寡不穀此其賤之本歟非也故致數輿無輿是故不欲祿祿若玉硤硤若石

上士聞道勤能行之中士聞道

老子

德篇

一二

柱下學子

若存若亡下士聞道大笑之弗
笑不足以爲道是以建言有之
曰明道如昧進道如退夷道如
類上德如谷大白如辱廣德如
不足建德如掄質真如渝大方
無隅大器晚成大音希聲天象

柱下學子

無形道殷無名夫唯道善始且善成

反也者道之動也弱也者道之
用也天下之物生於有有生於
無

道生一一生二一生三三生萬

物萬物負陰而抱陽中氣以爲
和人之所惡唯孤寡不穀而王
公以自稱也物或益之而損損
之而益是故人之所教亦我而
教人故強梁者不得死吾將以
爲學父

老子

德篇

四

柱下學子

天下之至柔馳騁乎天下之至
堅出於無有入於無間吾是以
知無爲之有益也不言之教無
爲之益天下希能及之矣
名與身孰親身與貨孰多得與
亡孰病甚愛必大費多藏必厚

亡故知足不辱知止不殆可以
長久

大成如缺其用不敝大盈如沖
其用不窮大巧如拙大直如屈
大贏如絀躁勝寒靜勝熱清靜
可以爲天下正

老子

德篇

五

柱下學子

天下有道卻走馬以糞天下無
道戎馬生於郊

罪莫大於可欲禍莫大於不知
足咎莫憯於欲利故知足之足
恒足矣

不出於戶以知天下不窺於牖

以知天道其出彌遠者其知彌少是以聖人弗行而知弗見而名弗爲而成

爲學者日益爲道者日損損之又損以至於無爲無爲而無不爲也

老子

德篇

六

柱下學子

聖人之取天下也恒無事及其有事也又不足以取天下矣

聖人恒無心以百姓之心爲心善者善之不善者亦善之德善也信者信之不信者亦信之德信也聖人之在天下也歛歛焉

爲天下渾心百姓皆注其耳目
焉聖人皆咳之

出生入死生之徒十有三死之
徒十有三而民生動皆之死
地之十有三夫何故也以其生
生也蓋聞善執生者陵行不避
兕虎入軍不被兵革兕無所揣
其角虎無所措其爪兵無所容
其刃夫何故也以其無死地焉
也

道生之而德畜之物形之而器
成之是以萬物尊道而貴德道

之尊也德之貴也夫莫之爵也
而恒自然也

道生之畜之長之育之亭之毒
之養之覆之生而弗有爲而弗
恃長而弗宰是謂玄德

天下有始以爲天下母旣得其

老子

德篇

八

柱下學子

母以知其子旣知其子復守其
母沒身不殆

塞其境閉其門終身不勤啓其
境濟其事終身不棘

見小曰明守柔曰強用其光復
歸其明母遺身殃是謂襲常

使我介有知行於大道唯施是
畏大道甚夷民甚好解朝甚除
田甚蕪倉甚虛服文綵帶利劍
厭食而資財有餘是謂盜竽非
道也

善建者不拔善抱者不脫子孫

老子

德篇

九

柱下學子

以祭祀不絕修之身其德乃真
修之家其德有餘修之鄉其德
乃長修之國其德乃豐修之天
下其德乃溥以身觀身以家觀
家以鄉觀鄉以國觀國以天下
觀天下吾何以知天下之然哉

以此

含德之厚者比於赤子蜂蠆虺蛇弗螫據鳥猛獸弗搏骨筋弱柔而握固未知牝牡之會而媾怒精之至也終日號而不嘍和之至也和曰常知常曰明益生

老子

德篇

一〇

柱下學子

曰祥心使氣曰強物壯則老謂之不道不道早已

知者弗言言者弗知塞其兌閉其門和其光同其塵挫其銳而解其紛是謂玄同故不可得而親亦不可得而疏不可得而利

亦不可得而害不可得而貴亦
不可得而賤故爲天下貴

以正之國以奇用兵以無事取
天下吾何以知其然也哉夫天
下多忌諱而民彌貧民多利器
而國家滋昏人多智而奇物滋

老子

德篇

二二

柱下學子

起法物滋彰而盜賊多有是以
聖人之言曰我無爲而民自化
我好靜而民自正我無事而民
自富我欲不欲而民自樸

其政閔閔其民屯屯其政察察
其國缺缺禍福之所倚福禍之

所伏孰知其極其無正也正復
爲奇善復爲妖人之迷也其日
固久矣

方而不割廉而不剝直而不肆
光而不耀

治人事天莫若嗇夫唯嗇是以

老子

德篇

二二

柱下學子

早服早服是謂重積德重積德
則無不克無不克則莫知其極
莫知其極可以有國有國之母
可以長久是謂深根固柢長生
久視之道也

治大國若烹小鮮以道莅天下

其鬼不神非其鬼不神也其神
不傷人也非其神不傷人也聖
人亦弗傷也夫兩不相傷故德
交歸焉

大國者下流也天下之牝也天
下之交也牝恒以靜勝牡爲其

老子

德篇

二三

柱下學子

靜也故宜爲下也故大國以下
小國則取小國小國以下大國
則取於大國故或下以取或下
而取故大國者不過欲并畜人
小國者不過欲入事人夫皆得
其欲則大者宜爲下

道者萬物之注也善人之寶也
不善人之所保也美言可以市
尊行可以加人人之不善何棄
之有故立天子置三卿雖有共
之璧以先四馬不若坐而進此
古之所以貴此者何也不謂求
以得有罪以免歟故爲天下貴
爲無爲事無事味無味大小多
少報怨以德圖難乎其易也爲
大乎其細也天下之難作於易
天下之大作於細是以聖人終
不爲大故能成其大夫輕諾必

老子

德篇

一四

柱下學子

寡信多易必多難是以聖人猶難之故終於無難

其安也易持其未兆也易謀其脆也易判其微也易散爲之於其未有也治之於其未亂也合抱之木作於毫末九成之臺作

老子

德篇

一五

柱下學子

於蘖土百仞之高始於足下

爲之者敗之執之者失之是以聖人無爲也故無敗也無執也故無失也民之從事也恒於其成而敗之故曰慎終若始則無敗事矣是以聖人欲不欲而不

貴難得之貨學不學而復衆人
之所過能輔萬物之自然而弗
敢爲

古之爲道者非以明民也將以
愚之也夫民之難治也以其智
也故以智知國國之賊也以不

老子

德篇

一六

柱下學子

智知國國之德也恒知此兩者
亦稽式也恒知稽式是謂玄德
玄德深矣遠矣與物反也乃至
大順

江海所以能爲百谷王者以其
善下之也是以能爲百谷王是

以聖人之欲上民也必以其言
下之其欲先民也必以其身後
之故居上而民弗重也居前而
民弗害也天下皆樂推而弗厭
也不以其無爭歟故天下莫能
與之爭

老子

德篇

一七

柱下學子

小國寡民使有十百人之器而
勿用使民重死而遠徙有舟車
無所乘之有甲兵無所陳之使
民復結繩而用之甘其食美其
服樂其俗安其居鄰國相望雞
犬之聲相聞民至老死不相往

來

信言不美美言不信知者不博
博者不知善者不多多者不善
聖人無積旣以爲人已愈有旣
以予人矣已愈多故天之道利
而不害人之道爲而弗爭

老子

德篇

一八

柱下學子

天下皆謂我大大而不肖夫唯
不肖故能大若肖久矣其細也
夫我恒有三寶持而寶之一曰
慈二曰儉三曰不敢爲天下先
夫慈故能勇儉故能廣不敢爲
天下先故能爲成器長今舍其

慈且勇舍其儉且廣舍其後且
先則死矣夫慈以戰則勝以守
則固天將建之如以慈垣之
善爲士者不武善戰者不怒善
勝敵者弗與善用者爲之下
是謂不爭之德是謂用人是謂
配天古之極也

老子

德篇

一九

柱下學子

用兵有言曰吾不敢爲主而爲
客不敢進寸而退尺是謂行無
行攘無臂執無兵扔無敵禍莫
大於無敵無敵近亡吾寶矣故
抗兵相若而哀者勝矣

吾言易知也易行也而天下莫
之能知也莫之能行也夫言有
宗事有君夫唯無知也是以不
我知知我者希則我貴矣是以
聖人被褐而懷玉

知不知尚矣不知知病矣是以

老子

德篇

二〇

柱下學子

聖人之不病也以其病病也是

以不病

民之不畏威則大威將至矣

毋狎其所居毋厭其所生夫唯

弗厭是以不厭是以聖人自知

而不自見也自愛而不自貴也

故去彼而取此

勇於敢則殺勇於不敢則活此
兩者或利或害天之所惡孰知
其故天之道不戰而善勝不言
而善應弗召而自來單而善謀
天網恢恢疏而不失

老子

德篇

二二

柱下學子

若民恒且不畏死若何以殺懼
之也使民恒且畏死而爲奇者
吾得而殺之夫孰敢矣若民恒
且必畏死則恒有司殺者夫代
司殺者殺是代大匠斲夫代大
匠斲則希不傷其手

人之飢也以其取食跽之多也
是以飢百姓之不治也以其上
之有以爲也是以不治
民之輕死也以其求生之厚也
是以輕死夫唯無以生爲者是
賢貴生

老子

德篇

二二

柱下學子

人之生也柔弱其死也骨恆信堅
強萬物草木之生也柔脆其死
也枯槁故曰堅強死之徒也柔
弱生之徒也是以兵強則不勝
木強則競故強大居下柔弱居
上

天之道猶張弓也高者抑之下
者舉之有餘者損之不足者補
之故天之道損有餘而益不足
人之道則不然損不足而奉有
餘夫孰能有餘而又取奉於天
者唯有道者乎是以聖人爲而
弗有成功而弗居也若此其不
欲見賢也

老子

德篇

二三

柱下學子

天下莫柔弱於水而攻堅強者
莫之能先以其無以易之也水
之勝剛也弱之勝強也天下莫
弗知也而莫之能行也是故聖

人之言云曰受國之詬是謂社稷之主受國之不祥是謂天下之王正言若反

和大怨必有餘怨焉可以爲善是以聖人執左契而不以責於人故有德司契無德司徹天道

老子

德篇

二四

柱下學子

無親恒與善人

道篇

道可道也非恒道也名可名也
非恒名也無名萬物之始也有
名萬物之母也故恒無欲也以
觀其妙恒有欲也以觀其所徼
兩者同出異名同謂玄之又玄

老子

道篇

二五

柱下學子

衆妙之門

天下皆知美之爲美惡已皆知
善斯不善矣有無之相生也難
易之相成也長短之相形也高
下之相盈也音聲之相和也先
後之相隨恒也是以聖人居無

爲之事行不言之教萬物作而弗始也爲而弗恃也成功而弗居也夫唯弗居是以弗去

不上賢使民不爭不貴難得之貨使民不爲盜不見可欲使民不亂是以聖人之治也虛其心實其腹弱其志強其骨恒使民無知無欲也使夫知不敢弗爲而已則無不治矣

道沖而用之又弗盈也淵呵似萬物之宗挫其銳解其紛和其光同其塵湛呵似或存吾不知

其誰之子也象帝之先

天地不仁以萬物爲芻狗聖人不仁以百姓爲芻狗

天地之間其猶橐籥歟虛而不屈動而愈出

多聞數窮不若守於中

老子

道篇

二七

柱下學子

谷神不死是謂玄牝玄牝之門是謂天地之根緜緜呵其若存用之不勤

天長地久天地之所以能長且久者以其不自生也故能長生是以聖人退其身而身先外其

身而身存不以其無私歟故能
成其私

上善如水水善利萬物而有爭
居衆人之所惡故幾於道矣居
善地心善淵予善天言善信正
善治事善能動善時夫唯不爭

老子

道篇

二八

柱下學子

故無尤

植而盈之不若其已揣而銳之
不可長保也金玉盈室莫之能
守也貴富而驕自遺咎也功遂
身退天之道也

載營魄抱一能毋離乎搏氣致

柔能嬰兒乎滌除玄鑒能母有
疵乎愛民活國能母以智乎天
門啓闔能爲雌乎明白四達能
母以知乎生之畜之生而弗有
長而弗宰也是謂玄德

卅輻同一轂當其無有車之用

老子

道篇

二九

柱下學子

也埏埴而爲器當其無有埴器
之用也鑿戶牖當其無有室之
用也故有之以爲利無之以爲
用

五色使人目盲馳騁田獵使人
心發狂難得之貨使人之行妨

五味使人之口爽五音使人之
耳聾是以聖人之治也爲腹而
不爲目故去彼而取此

寵辱若驚貴大患若身何謂寵
辱若驚寵之爲下也得之若驚
失之若驚是謂寵辱若驚何謂

老子

道篇

三〇

柱下學子

貴大患若身吾所以有大患者
爲吾有身也及吾無身有何患
故貴爲身於爲天下若可以託
天下矣愛以身爲天下如可以
寄天下矣

視之而弗見名之曰微聽之而

首執古之道以御今之有以知
古始是謂道紀

古之善爲道者微妙玄達深不
可識夫唯不可識故強爲之容
曰與呵其若冬涉水猶呵其若
畏四鄰嚴其若客渙呵其若凌

釋沌呵其若樸濬呵其若濁曠
呵其若谷濁而靜之徐清安以
動之徐生保此道者不欲盈夫
唯不欲盈是以能敝而不成

至虛極也守靜督也萬物並作
吾以觀其復也天物魂魂各復

老子

道篇

三三

柱下學子

歸於其根

曰靜靜是謂復命復命常也知
常明也不知常妄妄作凶知常
容容乃公公乃王王乃天天乃
道道乃久沒身不殆

太上下知有之其次親譽之其

次畏之其下侮之信不足安有
不信猶呵其貴言也成功遂事
而百姓謂我自然故大道廢安
有仁義智慧出安有大僞六親
不和安有孝慈國家昏亂安有
貞臣

老子

道篇

三三

柱下學子

絕聖棄知而民利百倍絕仁棄
義而民復孝慈絕巧棄利盜賊
無有此三言也以爲文未足故
令之有所屬見素抱樸少私而
寡欲

絕學無憂唯與呵其相去幾何

美與惡其相去何若人之所畏
亦不可以不畏人

恍呵其未央哉衆人熙熙若饗
於太牢而春登臺我泊焉未兆
若嬰兒未咳纍呵似無所歸衆
人皆有餘我獨遺我愚人之心

老子

道篇

三四

柱下學子

也濇濇呵俗人昭昭我獨若昏
呵俗人察察我獨閔閔呵惚呵
其若海恍呵若無所止衆人皆
有以我獨頑以鄙吾欲獨異於
人而貴食母

孔德之容唯道是從道之物唯

恍唯惚惚呵恍呵中有象呵恍
呵惚呵中有物呵窈呵冥呵其
中有精呵其精甚真其中有信
自今及古其名不去以順衆父
吾何以知衆父之然也以此
炊者不立自是者不彰自見者

老子

道篇

三五

柱下學子

不明自伐者無功自矜者不長
其在道也曰餘食贅行物或惡
之故有欲者弗居

曲則全枉則正窪則盈敝則新
少則得多則惑是以聖人執一
以爲天下牧不自是故彰不自

見故明不自伐故有功弗矜故
能長夫唯不爭故莫能與之爭
古之所謂曲全者幾語哉誠全
歸之

希言自然飄風不終朝暴雨不
終日孰爲此天地而弗能久又

老子

道篇

三六

柱下學子

況於人乎故從事而道者同於
道德者同於德失者同於失同
於德者道亦德之同於失者道
亦失之

有物混成先天地生寂呵寥呵
獨立而不改可以爲天地母吾

未知其名也字之曰道吾強爲
之名曰大大曰逝逝曰遠遠曰
反道大天大地大王亦大域中
有四大而王居一焉人法地地
法天天法道道法自然

重爲輕根靜爲躁君是以君子

老子

道篇

三七

柱下學子

終日行不遠其輜重雖有環館
燕處則超若若何萬乘之王而
以身輕於天下輕則失本躁則
失君

善行者無達迹善言者無瑕謫
善數者不用籌策善閉者無關

闢而不可啓也善結者無纏約而不可解也是以聖人恒善救人而無棄人物無棄財是謂愷明故善人善人之師也不善人善人之資也不貴其師不愛其資雖智乎大迷是謂妙要

老子

道篇

三八

柱下學子

知其雄守其雌爲天下雞谿爲天下谿恒德不離恒德不離復歸於嬰兒知其白守其辱爲天下谷爲天下谷恒德乃足恒德乃足復歸於樸知其白守其黑爲天下式爲天下式恒德不忒

恒德不忒復歸於無極樸散則
爲器聖人用則爲官長

夫大制無割將欲取天下而爲
之吾見其弗得已夫天下神器
也非可爲者也爲之者敗之執
之者失之物或行或隨或熱或
吹或強或挫或培或墮是以聖
人去甚去泰去奢

以道佐人主不以兵強於天下
其事好還師之所居楚棘生之
善者果而已矣毋以取強焉果
而毋驕果而勿矜果而毋伐果

老子

道篇

三九

柱下學子

而毋得已居是謂果而不強
物壯而老謂之不道不道早已
夫兵者不祥之器也物或惡之
故有欲者弗居

君子居則貴左用兵則貴右故
兵者非君子之器也兵者不祥

老子

道篇

四〇

柱下學子

之器也不得已而用之銛儻爲
上勿美也若美之是樂殺人也
夫樂殺人不可以得志於天下
矣是以吉事上左喪事上右是
以偏將軍居左而上將軍居右
言以喪禮居之也殺人衆以悲

哀莅之戰勝而以喪禮處之

道恒無名樸雖小而天下弗敢
臣侯王若能守之萬物將自賓
天地相合以俞甘露民莫之令
而自均焉始制有名名亦既有
夫亦將知止知止所以不殆譬
道之在天下也猶小谷之與江
海也

老子

道篇

四一

柱下學子

知人者智也自知者明也勝人
者有力也自勝者強也知足者
富也強行者有志也不失其所
者久也死而不忘者壽也

道汎呵其可左右也成功遂事而弗名有也愛利萬物而弗為主則恒無欲也可名於小萬物歸焉而弗爲主可名於大是以聖人之能成大也以其不爲大也故能成大

老子

道篇

四二

柱下學子

執大象天下往往而不害安平太樂與餌過客止故道之出言也曰淡呵其無味也視之不足見也聽之不足聞也用之不可既也

將欲翕之必姑張之將欲弱之

必姑強之將欲去之必姑舉之
將欲奪之必姑予之是謂微明
柔弱勝強魚不可脫於淵國利
器不可以示人

道恒無爲侯王若能守之萬物
將自化化而欲吾將鎮之以無

老子

道篇

四三

柱下學子

名之樸鎮之以無名之樸夫將
不辱不辱以靜天地將自正